

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 07/10), na prijedlog Ministarstva za poljoprivredu, šumarstvo i vodoprivredu, Vlada Zeničko-dobojskog kantona, na 85. sjednici, održanoj 23.01.2017. godine, d o n o s i

ZAKLJUČAK

I.

Prihvata se Informacija o realizaciji projekta izgradnja regionalnog vodovoda „Plava voda“ Ministarstva za poljoprivredu, šumarstvo i vodoprivredu, broj: 05-14-1381-2/16 od 19.01.2017. godine.

II.

Zaključak stupa na snagu danom donošenja.

Broj: 02-_____/17.
Datum, 23.01.2017. godine
Z e n i c a

PREMIJER

Miralem Galijašević

DOSTAVLJENO:

1x Ministarstvo za poljoprivredu, šumarstvo i vodoprivredu,
1x Grad Zenica (putem Ministarstva),
1x a/a.



INFORMACIJA

o realizaciji projekta izgradnja regionalnog vodovoda „Plava voda“

Ideja o implementaciji Projekta „Plava voda“ datira iz 80-tih godina, a sve u cilju dugoročnog rješavanja vodosnabdijevanja općina Travnik i Zenica. Kao zainteresovane strane u projekat su se uključile i općine Novi Travnik, Vitez i Busovača. Od početka projekta „Plava voda“, a i poslije 2000. godine urađene su slijedeće najznačajnije aktivnosti, i to: preregistracija i uspostava preduzeća JP RV „Plava voda“ d.o.o. Travnik, riješeno pitanje koncesije nad izvoristom „Plava voda“ na federalnom nivou, izrađen Idejni i Glavni projekat, pribavljeno niz saglasnosti i odobrenja nadležnih organa, na osnovu kojih je Federalno ministarstvo prostornog uređenja 24.04.2014. godine izdalo „Načelno odobrenje za građenje složene infrastrukture građevine regionalnog vodovoda „Plava voda“ sa rokom važenja od 5 godina, izrađen „Elaborat ekspoprijacije“ i „Elaborat o zaštiti izvorišta Plava voda“, instalirana mjerna stanica za mjerenje vodostaja, te proveden je niz aktivnosti na osiguranju finansijskih sredstava za implementaciju projekta, uključujući komunikaciju sa zainteresiranim stranama i informisanje javnosti.

Pored nabrojanih aktivnosti realizovano je i slijedeće:

- Vlada Zeničko-dobojskog kantona donijela je Zaključak broj: 02-25-19306/12 od 04.09.2012. godine, o opravdanosti izgradnje regionalnog vodovoda „Plava voda“ na području općine Zenica.
- Vlada Srednjobosanskog kantona donijela je Zaključak broj: 01-05-524/12-22 od 24.09.2012. godine, o pravdanosti izgradnje regionalnog vodovoda „Plava voda“ na području općina Travnik, Novi Travnik, Vitez i Busovača.
- Vlada Federacije BiH je donijela Odluku o utvrđivanju javnog interesa za izgradnju regionalnog vodovoda „Plava voda“ (Broj 26/13 Od 10.01.2013. godine).
- Učesnici u projektu, odnosno predstavnici općina, kantona i institucija podnijeli su 31.03.2014. godine zahtjev za odobrenje kreditnih sredstava Evropskoj banci za razvoj (EBRD) i Razvojnoj banci Vijeća Evrope (CEB) i to u iznosu od 11 miliona EUR od EBRD-a i 11 miliona EUR od Razvojne banke Vijeća Evrope. U zahtjevu je iznesen prijedlog preuzimanja kreditnog zaduženja i servisiranja kredita, u kojem je navedeno da bi se 50% kredita servisiralo iz vodnih naknada dva kantona i Fonda za okoliš FBiH, direktnim plaćanjem na račun JP RV „Plava voda“, a drugih 50% kredita bi vratila četiri općinska komunalna preduzeća uz garanciju plaćanja od relevantnih općina. Općina Travnik, budući da na dugoročno raspolaganje stavlja važan prirodni resurs, neće sudjelovati u servisiranju duga.
- Na 10. sjednici Vlade Zeničko-dobojskog kantona, održanoj dana 13.05.2015. godine, donesen je Zaključak o davanju prethodne saglasnosti za zaduženje Zeničko-dobojskog kantona za realizaciju navedenog projekta i podržala inicijativu pokretanja procedure kreditnog zaduženja kod EBRD-a.
- Na 16. sjednici Vlade Zeničko-dobojskog kantona, održanoj dana 11.06.2015. godine donesen je Zaključak o davanju prethodne saglasnosti za zaduženje Zeničko-dobojskog kantona za realizaciju navedenog projekta i podržala inicijativu pokretanja procedure kreditnog zaduženja kod CEB-a.

25

- Zaključcima je definisano da konačnu odluku o zaduženju Zeničko-dobojskog kantona donosi Skupština Zeničko-dobojskog kantona, po okončanju pregovora na nivou Bosne i Hercegovine sa EBRD-om i CEB-om.
- Skupština Zeničko-dobojskog kantona je dana 27.01.2016. godine donijela Odluku o davanju saglasnosti na zaduženje Zeničko-dobojskog kantona o zajmu između BiH i EBRD-a i Ugovora o zajmu između BiH i CEB-a, u ukupnom iznosu od 3,85 mil. EUR-a (EBRD) i 1,925 mil. EUR-a (CEB), odnosno 17,5% od ukupnog kreditnog zaduženja.

U postupku koji je prethodio donošenju citirane Odluke Skupštine Zeničko-dobojskog kantona, Ministarstvo za poljoprivredu, šumarstvo i vodoprivredu Zeničko-dobojskog kantona pribavilo je odgovor od strane Federalnog ministarstva poljoprivrede, vodoprivrede i šumarstva od 25.10.2015. godine, po pitanju mogućnosti utroška sredstava od vodnih naknada koje pripadaju kantonu za otplatu kredita uzetog za izgradnju regionalnog vodovoda „Plava voda“ i mogućnosti rezervisanja sredstava prema otplatnom planu na period do 20 godina. U odgovoru se navodi da se sredstva vodnih naknada mogu koristiti za otplatu kredita za izgradnju regionalnog vodovoda „Plava voda“ i da se navedena stavka treba planirati u programu ministarstva. Ministarstvo za poljoprivredu, šumarstvo i vodoprivredu se nije izjasnilo o rezervisanju sredstava iz vodnih naknada na period do 20 godina jer visina prihoda zavisi od zakonskih rješenja. Povrat kredita planiran je iz sredstava vodnih naknada. U slučaju da obaveze po kreditu prelaze iznos dijela vodnih naknada koje pripadaju Gradu Zenica, Grad je dužan prema Budžetu Zeničko-dobojskog kantona izvršiti refundiranje nedostajućeg iznosa.

- Na 38. sjednici Vlada Federacije Bosne i Hercegovine je dala saglasnost Fondu za zaštitu okološa FBiH za potpisivanje Ugovora o podršci zajmu za projekat izgradnja regionalnog vodovoda „Plava voda“ u Travniku sa EBRD-om, sa učešćem Fonda u otplati sa 25% od ukupnog zaduženja, odnosno 6.129.345 KM u vremenskom intervalu od 15 godina (2016.-2030.).
- Dana 12.04.2016. godine održan je sastanak učesnika u Projektu Regionalni vodovod „Plava voda“ o kojem je sačinjen je Zapisnik u kojem je navedeno da je Skupština Zeničko-dobojskog kantona donijela Odluku kojom prihvata zaduženje od 17,5%. Takođe je navedeno da je predstavnik Vlade Zeničko-dobojskog kantona informisao prisutne da Zeničko-dobojski kanton ne može da prihvati iznos zaduženja koji je bio planiran, te je predložio da se iznađu alternativna rješenja, a Gradonačelnik Zenice informisao je prisutne da Grad Zenica zajedno sa Federalnim ministarstvom finansija aktivno radi na iznalaženju modela kojim će se osigurati dalja realizacija kredita.

Vlada Zeničko-dobojskog kantona, na prijedlog Ministarstva za poljoprivredu, šumarstvo i vodoprivredu donijela Zaključak broj: 02-14-22923/15 od 30.12.2015. godini sa prijedlogom Odluke o prihvatanju kreditnog zaduženja Zeničko-dobojskog kantona za potrebe realizacije projekta izgradnja regionalnog vodovoda „Plava voda“. Dana 27.01.2016. godine Skupština Zeničko-dobojskog kantona donijela je Odluku o davanju saglasnosti na zaduženje Zeničko-dobojskog kantona o zajmu između BiH i EBRD-a i Ugovora o zajmu između BiH i CEB-a, u ukupnom iznosu od 3,85 mil. EUR-a (EBRD) odnosno u iznosu od 17,5% od ukupnog zaduženja.

Odredbama člana 7. predmetne Odluke je regulisano da u svrhu redovne otplate kredita, Zeničko-dobojski kanton je saglasan da Federacija BiH, u slučaju neredovnih ispunjenja obaveza po kreditu, bez upozorenja može dospjele obaveze direktno naplatiti sa računa javnih prihoda, i to iz dijela prihoda koji pripadaju Zeničko-dobojskom kantonu. Stavom (2) iste Odluke je regulisano da se Zeničko-dobojski kanton obavezuje da će u svrhu naplate svih potraživanja po kreditu, Federaciji Bosne i Hercegovine dostaviti bjanko mjenice, kojim Zeničko-dobojski kanton ovlašćuje Federaciju BiH da primljene bjanko mjenice može koristiti za naplatu dospjelih potraživanja. Odredbama člana 10. Odluke je regulisano da će se povrat kreditnih sredstava (3.850.000,00 EUR-a) koristiti iz sredstava vodnih naknada, shodno Programu utroška sredstava vodnih naknada, te da ukoliko sredstva vodnih naknada koja pripadaju

Gradu Zenica budu niža po navedenom kreditu od iznosa godišnje obaveze, Grad Zenica je dužan razliku sredstava refundirati Zeničko-dobojskom kantonu.

Zaključkom Gradskog vijeća Zenica o upućivanju zahtjeva Skupštini i Vladi Zeničko-dobojskog kantona broj: 01-01-497/17 od 12.01.2017. godine, Gradsko vijeće Zenica zahtijeva od Vlade Zeničko-dobojskog kantona i Skupštine da u najkraćem roku, a najkasnije do 31.01.2017. godine provedu procedure predlaganja i usvajanja Odluke o prihvatanju zaduženja po gore navednim Ugovorima o zajmu prema prijedlogu Federalnog ministarstva finansija, a koji je sastavni dio predmetnog Zaključka. (Napomena: Ministarstvu za poljoprivredu, šumarstvo i vodoprivredu nije dostavljen prijedlog Federalnog ministarstva finansija.)

Broj: 05-14-1381-2/16
Zenica, 19.01.2017. godine



Bosna i Hercegovina, Zenica, Kučukovići br.2 .
Telefon: 032/460-750, 460-751; Fax: 032/460-752
e-mail: min.poljoprivreda@zdk.ba
www.zdk.ba